

Sel Prestuhn Thomas S. Monson

# In sie Srihkasrak ac sie Kahlwem

*Ke kuht ukwe srihkasrak luhn Mwet Lahngo, ac fah oasr pacl wowo lasr in sie kahlwem nuh ke moul luhn mwet sahyac uh.*

**T**amuhlwel ac tahmtahel, fuhkah wolacnaiyac in sifilpac wi kowos. Oacna kowos etuh uh, e ke kuht tuhkweni ke Eprel ah me, kuht arulacna ahsor ke wacngihnlac luhn Mwet Sap sacohk tolu wi-yacsr suc misac: Prestuhn Boyd K. Packer, Elder L. Tom Perry, ac Elder Richard G. Scott. Elos fohlohklac nuh yen selos inkuhsrao. Kuht ahsrweolac. Fuhkah luhpan tarilacna lasr ke srihkasrak lalos ke kain luhngse luhn Kraist ac ke luti moklweyuck elos fihliyac nuh sesr nohfohn uh.

Kuht tahfwelah sie painyuck ke luhngse nuh sin Mwet Sap sasuc emet uh, Elder Ronald A. Rasband, Elder Gary E. Stevenson, ac Elder Dale G. Renlund. Pa inge mwet moniyuck ke orekma luhn Leum. Elos fal na pwacye in ahkfalye acn yohk srihpac ma elos pahngonyuck nuh kac.

Tuhfahna, ke nga riti ac motko ma suhmuhsrah uh, luu sin pohloh kahs uh oan na in nuhnak luhk uh. Kwe-wana etweyuck sesr. Ma se met an ma ke Luti fin Ohl uh: “Kowos sang kalem lowos in tolak ye mutun mwet

uh, tuh elos in ku in liye orekma wo lowos, ac kaksakin Papa tomowos su inkusrao.”<sup>1</sup> Ma suhmuhsrah ahkluo sacn pa sie ma tuhkuh nuh in nuhnak luhk ke nga motko kalmeyacn ma se met an. Ma ke Lwacta lal Mwet Sap Paul nuh sel Timothy: “Kom in mwe srihkasrak nu selos su lulalfongi, in kas, in ouiyen moul, in lungse, in lulalfongi, in moul nasnas.”<sup>2</sup>

Nga luhlalfongi muh ma suhmuhsrah ahkluo sacn ahkuhtweyac, yohkiyac na ip ke, ohiyac fuhkah ma kuht kuh in tahpuhkwack ma se met an. Kuht eklac mwe srihkasrak luhn mwet luhlalfongi ke moulkihn wosacuc luhn Jisus Kraist ke kahs, ke sramsram, ke luhngse muhtahl, ke nguhn, ke luhlalfongi, ac ke nwacsnwacs. Ke kuht oruh ohinge, kahlwem lasr uh kahlmweliyh nuh sin mwet sahyac in liye.

Kais sie sesr tuhkuh nuh facluh uh ituckyang nuh se Kahlwem luhn Kraist. Ke kuht ukwe srihkasrak luhn Mwet Lahngo ac moul oacna ke El moul ah ac ke El luti ah, kahlwem sacn fah tayak in kuht ac fah srihkasrak nuh sin mwet sahyac uh in ukwe.

Lwacta lal Mwet Sap Paul tahkuhnlah ohiyac ohnkohts luhn sie mwet luhlalfongi, ohiyac ma fah lwelah kahlwem lasr uh in sahromrom. Lwelah kuht in sramsramkihn kais sie.

Nga fahklah kwewana ohiyac luu emet ah—in sie srihkasrak ke kahs ac ke sramsram. Kahs kuht orekma kihn uh kuh in sruhk ac mokle, kuh kuhna in ahkkolukye ac ahksrihkye. Fin facluh mihsenge oasr na yohkwacliyh luhn kahskahs sowac ma oacna kuht in rauniyucklac kac yen nuh kwewa. Arlac upac in kahingkihn lohngyacn inen God ke orekma kihtnyuck ma na wacngihn ac tiac motkoeyuck uh. Kahs sohknohk uh orek sruhluhn ipin na tifi uh, petsac uh, puk uh, ac on uh. Fihswacsr orweyac ke fahk koluk ac kahs kasrkuhsrak inge. Lwelah kuht in sramsram nuh sin mwet sahyac uh ke luhngse ac ahkfuhtwact, in liyacacng kahs lasr in nwacsnwacs pacl nuh kwewa ac sensenkihn kahs kuh fahk ma ac ahkngalye kuh ahkkolukye. Lwelah tuh kuht in ukwe srihkasrak luhn Mwet Lahngo, suc sramsram ke mongfihswacsr ac kuhlwacng ke luti Lal nohfohn.

Ohiyac tohkoh fwackyuck sel Paul uh pa luhngse muhtahl, suc ma ahkuhtweyucki muh “luhngse nwacsnwacs luhn Kraist.”<sup>3</sup> Yohk luhlalfongi luhk lah oasr mwet raunikuhtlac suc muhkahimtacl, mwet suc mas, ac mwet suc puhla muhnahsrah finsrak la uh. Oasr pacl wowo lasr in kahsrweolac ac ahkkweye nguhnalos. Mwet Lahngo El use finsrak nuh sin mwet wacngihn finsrak la ac kuh nuh sin mwet kuhnkahs uh. El unwelah mwet mas; El oruh mwet ul in fahsr, mwet kun in liye, ac mwet sohlohng in lohng. Ne

ke mwet misac El tuhkasack. Ke luti Lal nohfohn El kahsrueh ke luhngse muhtahl nuh sin oacna sie mwet enenuh. Ke kuht ukwe srihkasrak Lal uh, kuht fah ahkinsewowoye moul luhn mwet, weacng pacna moul lasr uh.

Tohkoh, kuht enenuh in ekihn srihkasrak wo ke nguhn. Nuh sihk kalmeyac pa kuht in kampare ke moul lasr in kuhlwacng, tarilacna, nuhnak muhnahs, ac enganwack. Ohiyac inge fah use nuh sesr sie nguhn ma fah mokle moul luhn mwet rauni kuhtlac uh. Nga eis pacl wowo ke moul luhk uh in wi mwet pucspucs suc oasr la kain nguhn se inge. Kuht puhlakihn sie puhla yohk srihpac ke kuht weluhlos uh, sie puhla ma oruh kuht in kena weluhlos ac in ukwe srihkasrak lalos uh. Elos sruhmuhn Kahlwem luhn Kraist ac kahsrwe kuht puhla luhngse Lal nuh sesr.

In sruhmuhn kahlwem sacn ma tuhkuh ke sie mwet nwacsnwacs ac luhngse uh akihlenyuck sin mwet sahyac uh, nga akacsruhi yuruwos sie ma orek yac ekahsr somlah ah.

Ke pacl sacn, mwet kol luhn Alu uh ohsun yurin mwet wal fin acn Jerusalem in oraclah sie inseselac nuh ke acn ma Jerusalem Center luhn Alu uh ac muhsahyak we. In kuh in eis lwelah enenweyuck uh, Alu uh inseselac tuh in wacngihn forfor luti fah orek sin mempucr uh suc ma muhta ke acn we. Tukun inseselac ingacn oreklac ah, sie sin mwet wal Israel, suc etweyuck wo ke Alu uh ac mempucr la uh, fahk lah el etuh lah Alu uh fah ahkfuhlwactye inseselac ke wacngihn forfor luti uh. "Tuhsruhk," el fahk, kalmeyackihn nuh sin tuhlihk lutlut suc fah wi ke acn we ah, "meac kuht ac oruh ke kahlwem ma oan in muhtahlos uh?"<sup>4</sup> Lwelah kahlwem yohk srihpac se ingacn in srweyac lun insiyacsr lwen nuh kwewa, tuh kuh in akihlenyuck ac luhngkihnyuck sin mwet sahyac uh.

In sie srihkasrak ke luhlalfongi kalmeyac pa kuht luhlalfongi ke Leum ac ke kahs Lal. Kalmeyac pa oasr sesr ac lah kuht ahkkweye luhlalfongi ma ac fah kol nuhnak lasr

ac mukwikwi lasr uh. Luhlalfongi lasr ke Leum Jisus Kraist ac ke Pahpah tuhmasr Lucng fah pihrihk ma nuh kwewa kuht oruh uh. Ke fohsack luhn pacl lasr uh, nuhkanlah ke nuhnak, ac tihkuclkucl ke moul lwen nuh kwewa, sie luhlalfongi fokoko ac eklac sie kawuck nuh ke moul lasr uh. Esam lah luhlalfongi ac suhlalhlalfongi tiac kuh in ekos nuhnak sefanna ke pacl sefanna, tuh sie fah ahksahfyelah ma se sahyac ah. Nga kalweni ma fwack kalweniyuck nuh sesr uh—lah in kuh in eis ac in tu kuh ke luhlalfongi kuht enenuh uh, yohk srihpac kuht in rit ac lutlutkucl ac motko ma suhmuhslah uh. Sramsram yurin Pahpah tuhmasr Lucng ke pruhe uh yohk srihpac. Kuht tiac kuh in sislah ma inge, ke srihpen mwet lokoalok ac mwet ukwac uh tiac fuhlweack in suk mwe muhnahs lasr, sie ma tulokihn ke luhlalfongi lasr. Leum El fahk lah, "Kuht in oaru in suk, pruhe lwen nuh kwewa, ac in luhlalfongi, ac ma nuhkwewa fah tuhkweni orekma nuhke ma wo lasr."<sup>5</sup>

Sahflahiyac, kuht in nwacsnwacs, suc kalmeyac pa kuht nwacsnwacs in mahno, nuhnak, ac nguhn. Kuht etuh lah mahnosr pa sie tempuhl, enenuh in orek wo ke efahl ac ahkfuhlwact. Nuhnak lasr uh enenuh in sesseslah ke nuhnak moklweyuck ac wo ac sensenkihn ma ma ac ahkfohkfohkyelah. In kuh in eis Nguhn Muhtahl in ahtol kuht, kuht enenuh in moul nwacsnwacs. Tamuhlwel ac tahmtahel, nwacsnwacs uh fah use nuh sesr mislac ke nuhnak ac fah fal nuh sesr in eis olwelah luhn Mwet Lahngo. El fahk, "Insewowo elos su nasnas insiyalos: tuh elos fah liye God."<sup>6</sup>

Ke kuht ahkpwacyei in mwe srihkasrak luhn mwet luhlalfongi ke kahs, ke sramsram, ke luhngse muhtahl, ke nguhn, ac ke nwacsnwacs, kuht fah fal nuh ke kahlwem nuh facluh.

Nga ke fahk nuh suwos nohfohn, ac fweyac na nuh suwos mwet fuhsran, lah ke facluh som loesalah liki ip yohk ac kolyuck utuckuh nuh sesr sin sie Pahpah Lucng luhngse

uh, kuht fah pihsrlac liki un mwet uh ke srihpen kuht siena. Kuht fah pihsrlac ke srihpen kuht nuknuk in fal. Kuht fah siena ke srihpen kuht tiac orekmakihn kahs koluk ac ke srihpen kuht tiac ipeis ma koluk nuh in mahnosr uh. Kuht fah siena ke srihpen kuht kahingkihn fahk in ahksruhksruhk tiac wo ac srihkihn uh. Kuht fah siena ke kuht sulaclah in tiac nwacklah nuhnak lasr uh ke sulaclah ke media uh ma suhfal ac tiac wo ac ma fah oruh Nguhn in lihsyucklac liki lohmsesr ac moul lasr uh. Kuht ac arulacna etweyuck ke sulohsohl kuht oruh nuhke sol ke—ohiyac ma fungsi nuh ke ip ke wosasuc ac ip yohk kac uh. Ma ingacn ma oruh kuht in siena liki inkaiyacn mwet facluh uh oacyacpac use nuh sesr kahlwem sacn ac nguhn sacn ma fah tohlwack facl se suc yohkwelihk ke lohsr.

Kwacna upac in siena ac in tu kuh muhkwelac in wuclihl. Fihsracsr in sahngweng ke ma mwet sahyac uh kuh in nuhkuh kuh fahk uh. Kahs inge ke Psalm uh mwe ahkkweye: "Leum God El kalem luhk ac lango luhk; su nga ac fah sangeng se? Leum God El pot ku nu ke moul luk, su nga ac fah sangeng se?"<sup>7</sup> Ke kuht oruh Kraist Elan pa infu-lwacn moul lasr uh, sahngweng lasr uh fah aholyucklac ke puhlaik ke nuhnak in mihsalah lasr uh.

Moul suwohs tiac loh sesr, ac ke pacl mwe sruh ac ma upac kuht sun uh kuh in arulacna upaclac, oruh kahlwem lasr uh in eflah. Tuhsruhk, ke kahsrueh sin Pahpah tuhmasr Lucng, wi kahsrueh luhn mwet sahyac uh, kuht kuh in sifil eis kahlwem se ma tohlwack inkacnek lasr sifacna sifilpacna ac ahksro kahlwem ma mwet sahyac elos enenuh uh.

In sruhmuhn, ngwac akacsruhi yuruwos kahs emtucng ke soko poem pahiyuck nga riti met ke yac somsomlah.

*Nga sun sie mwet sac in fong uh  
Suc ma lahm la uh kunlac.  
Nga tui ac lwelah elan ahkosack  
Lahm lah uh ke ma luhk ah.*

*Sie eng upac muhtwacwacack  
tok kuhtuh  
Ac osrokwack facluh.  
Ac ke eng uh tui  
Lahm luhk uh kunlac!*

*Tuhsruhk mwetsac sac  
fohlohkuh—  
Lahm nahtuhl ah fihrihr na!  
El sruok e fihrihr uh  
Ac ahkosack ma luhk uh!<sup>8</sup>*

Tamuhlwel ac tahmtahel wiyuck, pacl wowo lasr in mwe srihkasrak raunikuhtlac kais sie lwen, finne meac sik nuh sesr sifacna uh. Ke kuht ukwe srihkasrak luhn Mwet Lahngo, ac fah oasr pacl wowo lasr in kahlwem nuh ke moul luhn mwet sahyac uh, finne elos mwet ke sucu

lasr sifacna ac kawuck uh, mwet wi kuht orekma, mwet aetuhi na, kuh mwetsac uh.

Nuh suwos kais sie, nga fahk lah kowos wen ac acn nuhtin Pahpah tuhmasr Lucng. Kowos tuhkuh liki ye Muhtahl in moul ke facluh se inge ke sie puhlan pacl, in srihke luhngse luhn Mwet Lahngo ac luti, ac puhlaik in sang kahlwem lowos in tohlwack mwet nuh kwewa in liye. Ke moul in mahno lowos uh sahflah, kom fin oraclah ip lom uh, ma lowos pa mwe insewowo wolacna ke fohlohk muhta Yohrohl ma pahtpaht.

Fuhkah woiyacn kahs luhn Mwet Lahngo: “Nga kalem lun faclu. Kutena mwet su fahsr tukuk fah oasr kalem lun moul yorol, ac el fah tiana fahsr in lohsr.”<sup>9</sup> Kacl nga fahkwack

luhlahlfongi. El pa Mwet Lahngo lasr ac Mwet Iwacalah, Aholyacsr yurun Pahpah. El pa Mwet Srikasrak lasr ac kuhiyacsr. El pa “kahlwem se ma tohlwack yen lohsr.”<sup>10</sup> Tuh kais sie sesr suc lohng puhsrwek in olwelah in Ukwacal, tuh in ekihn kahlwem nuh facluh, pa pruhe luhk ke e muhtahl Lal, finne Leum Jisus Kraist, amen.


#### MWE KAHSRUH

1. Matthew 5:16.
2. 1 Timothy 4:12
3. Moroni 7:47.
4. Liye James E. Faust, “The Light in Their Eyes,” *Liahona*, Nov. 2005, 20.
5. Liye Doctrine and Covenants 90:24.
6. Matthew 5:8.
7. Psalm 27:1
8. Lon Woodrum, “Lamps,” *The Lighted Pathway*, Oct. 1940, 17.
9. John 8:12
10. Doctrine and Covenants 6:21

## Luti ke Pacl Lasr uh

**K**e Nohfuhmpuh 2015 nuh ke Eprel 2016, lesin luhn Melchizedek Pristut ac Rilif Sosaiti nuh ke Sacnri ahk ahkosr enenuh in ahkoeyucklac ke sie kuh puhs liki sramsram oreklac ke toeni luhlahp ke Ohktohpa 2015 ah. Ke Eprel 2016, sramsram an ac suleyucklac ke kwewana toeni luhlahp ke Eprel 2016 kuh Ohktohpa 2016. Prestuhn luhn stek ac tistrik an enenuh in sulacalah sramsram ma ac orekmakihnyuck ke acn selos an, kuh elos kuh in ahol kunohkohn se inge nuh sin prestuhn luhn pisap ac pracns an.

Sramsram uh oasr ke kain kahs pucspucs ke [conference.lds.org/conference.lds.org](http://conference.lds.org/conference.lds.org).



**Sel Prestuhn Henry B. Eyring**  
Mwet in Kahsruh Se Met ke Prestuhnsi Se Met

# Nguhn Muhtahl in Ahtol Kowos

*Kuht kuh, fin kuht moul suwohswohs kac, in eis mwe in sewowo luhn Nguhn in wi kuht, tiac kais kuhtuh na pacl tuhsruhk pengana lwen.*

**T**amuhlwel ac tahmtahel sacohk wiyuck, nga arulacna srui in wi kowos ke lwen Sahpuht se inge ke toeni luhlaph ke Alu luhn Leum. Nga puhla, oacna kowos puhla, Nguhn, Nguhn Muhtahl ma fahkwack ma pwacye ke kaws ma kuht lohng ac yuckkihn tari.

Srihpac luhk mihsenge pa in ahk-yohkye kena lowos ac oaru lowos in eis mwe sang ma olweyucklac nuh sin kais sie sesr tukun kuht pacp-taislac. Ke ahkweyeyucklac lasr kuht lohng kaws inge: “Eis Nguhn Muhtahl.”<sup>1</sup> Ke pacl sacn, moul lasr uh eklac ma pahpaht.

Kuht kuh na, kuht fin moul fal kac, in eis mwe in sewowo luhn Nguhn in oasr yohrohsr, tiac ke kais kuhtuh pacl na oacna ma kuht puhla mihsenge uh, tuhsruhk pacl nuh kwewa. Kowos etuh ke kaws ke pruhe ke kuhfa luhn Leum ohiyac ma olwelah se inge ahkfalyeyucklac: “O God, Pahpah Ma Pahpaht, kuht siyuck Sum ke inen Wen nuhtum, Jisus Kraist, in ahkin-sewowe ac ahkmuhtahlye puhret se inge nuh sin mwet nuhkwea suc

ipeis kac; tuh elos in kuh in mongo in esam monun Wen nuhtum, ac ahk-kahlwemye nuh Sum, O God, Pahpah Ma Pahpaht, tuh elos insese in eis nuh faclos inen Wen nuhtum, ac esamuhl pacl nuhkwea, ac liyacacng masap Lal ma El tuh sang nuh selos.”

Na tuhkuh olwelah wolacna se: “Tuh Nguhn Lal in kuh in weluhlos *pacl nuhkwea*” (D&C 20:77; ahkuhtweyac wo ituckyang).

Nguhn in wi kuht pacl nuh kwewa kalmac pa kuht in eis kah-sruh ac kolyuck sin Nguhn Muhtahl ke moul lasr lwen nuh kwewa. Kuht kuh, ke sie srihkasrak, in eis kaiyuck sin Nguhn in kuhtanglah mwe sruhf in oruh ma koluk.

Ke srihpac sacn muhkwen, fih-sracsr in liye lah efuh mwet kuh-lwacnsap luhn Leum srihke na in ahkyohkye kena lasr in alu nuh sin God ke toeni ke kuhfa luhn Leum lasr. Kuht fin ipeis kuhfa luhn Leum ke luhlalfongi, na Nguhn Muhtahl fah kuh in kahsrwe kuht ac elos suc kuht luhngse ke mwe sruhf ma tuh-kuh yohkyohkelihk ac fususeni uh.

Ahtolyuck luhn Nguhn Muhtahl oruh ma wo uh in ohi sesr ac mwe sruhf uh in tiac arlac pihrihk kuht. Ma sacn na sahp fal in oruh kuht in kena eis Nguhn nuh yohrohsr pacl nuh kwewa.

Oacna ke Nguhn Muhtahl ahk-kweye kuht liki ma koluk, El oacyac-pac use kuh nuh sesr in akihlen ma pwacye liki ma stuhuh. Ma pwacye yohk srihpac uh ahkweyeyuck muhkwen ke fwackyuck sin God. Etwacack lasr mwet uh ac orekma-kihnyacn nuhnak lasr ac suhfallac na. Kuht moul ke sie pacl ma mwet finne lahlmwetmwet emet uh fah upac in akihlen ma pwacye liki ma kikiacp.

Leum El luti Mwet Sap Lal Thomas, suc kena mwe loh ma el kuh in liye ke Sifilpac Moulyak ke kahlyac kihnet luhn Mwet Lahngo, tuh fwackyuck pa mwe loh sef liki na: “Jesus el fahk nu sel, Thomas, ‘Ya kom lulalfongi mweyen na kom liyeyu? In sewowo elos su tiana liyeyu a elos lulalfongi!’” (John 20:29).

Ma pwacye ma ahk-kahlwemye ohi-yacn fohlohk nuh sin God fah ahkweyeyuck sin Nguhn Muhtahl. Kuht tiac kuh in som nuh ke imac ac liye Pahpah ac Wen sramsram nuh sin mwet fuhsr Joseph Smith. Wacngihn mwe loh facluh kuh sramsram in amaci fal kuh in oakiyac lah Elijah el tuhkuh oacna olweyucklac in ahkweye ki luhn pristut ingena ma sruokyuck ac oekmakihnyuck sin sie mwet pahluh moul, Thomas S. Monson.

Ahkweyeyuck luhn ma pwacye tuhkuh nuh sin mukul se kuh muhtwacn se nuhtin God suc eis suwohs in eis Nguhn Muhtahl. Mweyen ma stuhuh ac kikiacp kuh in fihliyucki ye muhtahs oacna sie pacl, kuht enenuh

pihrihkyuck luhn Nguhn Pwacye in kahsrh ke pacl in ahlohloh.

Ke mempucr ke U luhn Mwet Sap Singucul Luo, George Q Cannon el kwacfe muh kuht enenuh in suk pacl nuh kwewa tuh Nguhn in wi kuht. El olwelah, ac nga wi pac olwelah se, kuht fin suk inkacnek sacn, “wacngihn pacl [kuht] ac eis etuh suhfal” ke ma pwacye, “wacngihn pacl in tahfulhuo kuh oasr ke lohsr,” ac “luhlahlfongi [lasr] ac fokoko, ac engan [lasr] . . . sesseslah.”<sup>2</sup>

Kuht enenuh kahsrh sacn pacl nuh kwewa ke ahtolyuck luhn Nguhn Muhtahl in wi kuht ke kuhtwe pac srihpac sahyac. Misac luhn mwet luhngseyuck ac kuh in sikyak tiac sulkackihnyuck. Mwe loh sin Nguhn Muhtahl uh pa tuhkahkih lah pwacye oasr sie Pahpah Lucng luhngkuhlwacng ac sie Mwet Lahngo sifil moulyak ma use nuh sesr finsrak ac ahkkweyeyuck ke sie misac luhn mwet luhngseyuck. Fahkwack luhlhlafongi sacn enenweyuck in sasuc ke misac sikyak an.

Na, ke srihpac pucspucs, kuht enenuh Nguhn Muhtahl in wi kuht pengana pacl. Kuht kena kac, tuhruhkuht kuht etuh ke mukwikwi uh lah ma se inge tiac fihsracsr. Kais sie sesr nuhnkuh, fahk, ac oruh ma ke moul lasr ma kuh na in ahktoasrye Nguhn. Leum El luti kuht lah Nguhn Muhtahl fah wi kuht pacl nuh kwewa ke insiyacsr sesseslah ke “luhngse muhtahl” ac ke ma wo oasr ke nuhnak lasr tiac tui (liye D&C 121:45).

Nuh selos suc muhnahs ke ohiyac wo fuhlwact enenweyuck in ahkfalyeyuck nuh ke mwe sang luhn Nguhn in wi, nga sang mwe kahsrh inge. Kowos tuh puhlakihn pacl puhs pihrihkyuck luhn Nguhn Muhtahl uh. Sahp sikyak nuh suwos mihsenge.

Kowos kuh in liye pacl ingacn ke moklweyuck oacna fihtac luhn luhlhlafongi oacna Alma el luti (liye Alma 32:28). Yukiyac sie fihtac. Kowos kuh in oruh ke kowos ukwe moklweyuck ma kowos puhla. Pihrihkyuck se ma ohi emet uh pa in etuh lah meac God El ke kowos in oruh. Fin pa in moli sie tahfuh singucul kuh in som muhtwacta

yurun mwet kawuck ahsor, kom in oruh kac. Ma na oasr uh, orwaclah. Ke kom ahkkahlwemye luhan insacnwacng lom in ahksol, Nguhn fah suhpah pac pihrihkyuck luhn ma God El ke tuh kom in sapkihnl Sel.

Ke kowos ahkos, moklweyuck sin Nguhn fah tuhkuh fususeni, fototoi na ac in wi kuht pacl nuhkwewa. Kuh lowos in sulwaclah ma pwacye fah ahkyohkyeyucklac.

Kowos kuh in etuh ke moklweyuck in mukwikwi inge nuh Sel tuhkuh sin Nguhn lain na ke kena lowos sifacna. Ke moklweyuck uh ukwe ma Mwet Lahngo ac mwet pahluh moul ac mwet sap Lal fahklah tari, kowos kuh in sulwaclah in ahkos ke luhlhlafongi. Na Leum El ac suhpwaclah Nguhn Lal in wi kowos.

Nuh ke srihkasrak, kowos fin eis moklweyuck in ahkfuhlwactye lwen Sahpuht, fweyac na ke pacl luhman upac, God El fah suhpwaclah Nguhn Lal in kahsrh.

Kahsrh se ingacn tuhkuh nuh sin pahpah tuhmuhk ah yac somlah ah ke orekma lah uh usacllah ne Australia. El muhkwenah ke sie Sacnri, ac el kena in eis kuhfa luhn Leum. El koflah konwacack kuhtwenah innek in etuh ke toeni luhn Mwet Luhlhlafongi ke Lwen-sahflah uh. Na el muhtwacwacack fahs. El pruhe ke kais sie inkacnek in etuh yen elac for nuh kac uh. Tukun el fahs ac pihnl innek uh ke lusen ao se, el tui in sifil pruhe. El puhlakihn pihrihkyuck in forwacng nuh ke soko suhngan inkacnek an. Tiac paht el muhtwacwacack lohng on ma tuhkuh ke falfucl ten ke iwen apartment fototo we ah. El ngwet nuh lun winto sac ac liye mwet ekahsr suc muhta sisken tepuh se afyucflac ke sie nuknuk fasrfasr ac wi tray ke kuhfa luhn Leum uh.

Ingenah, sahpa ma se inge tiac luhman yohk nuh suwos, tuhsruhktuh ma na wolacna se nuh sel. El etuh ke olwelah ke pruhe in kuhfa luhn Leum ahkfalyeyuck: “Esamuhl pacl nuhkwewa, ac liyacacng masap Lal ma El tuh sang nuh selos, tuh Nguhn Lal in kuh in weluhlos pacl nuhkwewa” (D&C 20:77).

Pa inge srihkasrak sefanna ke pacl se el pruhe na oruh ma Nguhn El fahk nuh sel ke ma God El kena elan oruh. El kalweni oruh ke yac somlah ah, oacna kowos ac nga ac fah oruh. Wacngihn pacl el sramsram ke ohiyacn nuh lal. El kalweni na in oruh ma nuh sin Leum ma el pihrihkyuck in oruh uh.

Kuhtwenah pacl kuhtuh u luhn Mwet Luhlhlafongi ke Lwen-sahflah uh siyuck sel in sramsram nuh selos uh, el oruh. Finne mwet 10 kuh 50 kuh el fin ullac. El fahkwack luhlhlafongi lah ke Pahpah, Wen, Nguhn Muhtahl, ac ke mwet pahluh uh pacl nuh kwewa Nguhn siyuck sel in oruh.

Pahng lah ma fuhlwact emet ke Alu uh oasr ke kahsrh fuhlwact luhn Stek Bonneville, ke el imoni imac luhn stek, ac el luti kuhlahs se ke Sacnri Skul. Ke yac somlah ah, ke el enenuh uh, Nguhn Muhtahl oasr yohrohl in weluhl.

Nga tu sisken pahpah tuhmuhk ke infuckihl luhn sie lohmo ono. Ninac kiyuck, muhtwacn kiyac ke yac 41, oan fin pet an. Kuht liyac ke ao ekahsr. Kuht muhtwacwacack in liye wacngihnlac luhn kweok som liki muhtahl uh. Kufun pahoh ke pahol uh, ma orekweni oacna fihsihk uh, ikacklah. Pahol puhtati monglac siskacl.

Kweok ke yac pucspucs luhn cancer uh sahfah. Nga liye ke muhtahl sie ngwetngwet ke mihs. El momong kuhtuh, na sie mongi, na oan tiac mukwikwi. Kuht tu we sano in liye lah fin mohngohl e sifilpac tuhkuh.

Sahflahiyac, Pahpah el kahkahrhik fahk, “Tuhlihkuht muhtwacn srihsrihk sac fohlohk nuh lohmo ah.”

El tiac tuhng. Pa ke srihpen Nguhn Muhtahl El tuh sang petsaciyac kahlwem nuh sel emet lah suc el uh, yen el tuhkuh we uh, mwet el eklac oacna uh, ac yen elac som nuh we uh. Nguhn El ahkkweyeh nuh sel pacl pucspucs ke sie Pahpah Lucng luhngse, sie Mwet Lahngo suc kuhtanglah kuh luhn misac, ac ma pwacye ke sili lun tempuhl el akacsruhi yurin muhtwacn kiyac ac sucu lah

Nguhn El ahkkweyacl ke pacl loes ke ohiyac wo ac luhlalfongi lal ma ahkfalye ma lal in fohlohk nuh ke lohm inkuhsrao ma el ac esamyuck muh el ekihn olwelah luhn sie tuhlihk wolacna ac painyuck nuh iwac wi ohi ke pihngwac.

Nuh sin pahpah tuhmuhk uh, ma ingacn tiac som ekihn finsrak muhkwenena. Nguhn Muhtahl El ahkpwacyei ma inge nuh sel.

Ingena, sahp kuhtuh ac fahk lah kahs lal ac petsac ke nuhnak lal ke lohm inkuhsrao se pa finsrak wo muhkwenena, nuhnuhkuh sesuwos sin mukul tuhma ke pacl luhn misac an. Tuhsruhke el etuh ma pahtpaht pwacye ke ohiyac sefanna kowos kuh in etuh.

El mwet kuhtaklah ke science se suc suk ke ma pwacye ke facluh ke moul mahtuh lal nohfohn. El orekmakihn kuhfa luhn science fal in ahkfuhtwacteyucklac sin mwet weluhl fin facluh nohfohn. Yohklac ma el oruh ke chemistry tuhkuh ke el petsac lah ke nuhnak molecules mukwikwi an na ahkkweye liye lal ke experiment lun sie laboratory.

Tuhsruhktuh el ukwe inkacnek siena ke ma pwacye yohk srihpac emet nuh sel ac nuh sin kais sie sesr. Sin Nguhn Muhtahl muhkwenena kuht kuh in liye mwet ac ma sikyak oacna God El liyaclos.

Mwe sang se ingacn kalweni ke lohm ono uh tukun muhtwacn kiyac ah misac. Kuht oracni ma luhn ninac kiyuck ah ac som nuh lohm ah. Pahpah el tui in fahk kuloh nuh sin nurse ac taktuh nuh kwewa kuht ohsun nuh se ke kuht fahs nuh ke stosah an. Nga esam lah nga puhla, ke ahngyahng kuhtuh, lah kuht enenuh in som muhkwelac ke ahsor lasr uh.

Nga akihlen ingena lah el liye ma Nguhn Muhtahl muhkwenena kuh in ahkkahlwemye nuh sel. El liye mwet oacna lihpufacn uh suhpweyuckme sin God in karihngihn muhtwacn kiyac. Sahr elos liyaclos sifacna ke health-care professionals, tuhsruhktuh

Pahpah el fahk kuloh nuh selos ke kuhlhwacnsap lalos ahol Mwet Lahngo.

Moklweyuck luhn Nguhn Muhtahl kalweni yohrohl ke kuht ohsun ke lohm sin pahpah ac ninac kiyuck ah. Kuht sramsram ke mihnit ekahs lun lohm ah. Pahpah el siyuck in som sifacna nuh ke infuckihl lal ah.

Tukun mihnit ekahs, el fohlohkoh nuh lun lohm ah. Isracsr se lal ah kuhlhwacng. El fahs nuh yohrohsr ac kahkahrhik fahk, “Nga elyah lah Mildred el ac muhkwenena sun facluh luhn nguhn. Nga muh el ac puhla tuhlacl yurin un mwet pucspucs.”

Na muh el enganwack fahk, “Nga tuhfahna pruhe ingena. Nga etuh lah Mildred el wona. Ninac kiyuck ah oasr we in sonuhl.”

Nga esam lah nga isracsr ke el fahk ma ingacn, in petsacelah ke nuhnak uh ninac mahtuh kiyuck, niyac fototo lal in fahs, kahsruhsr nuh ke un mwet uh in oruh lah el oasr in ohsun nuh sel ac sruokyac tuhlihk muhtwacn ac nahtuh se ke el tuhkuh.

Ingena, sie srihpac pahpah tuhmuhk el siyuck kac ac eis ahkkweyeyuck se inge pa ke srihpac el pruhe ke luhlalfongi pacl nuh kwewa e ke pacl se el tuhlihk ah. El etuh tari ohiyac ma top uh tuhkuh nuh ke insiyac in sang karihngihnyuck ac kolyuck. Wi pac na pahlah ke pruhe, el etuh ma suhmuhlah ac kahs luhn mwet pahluh moul uh. Na el akihlen puhsrwen mahmah luhn Nguhn uh, suc ma kowos sahp puhlakihn mihsenge.

Wi luhn Nguhn oruh yohk likina in ahkkweyacl ac koluhl. Iwac lah luhn Jisus Kraist ekuhlulhlah. Ke kuht inese nuh ke olwelah se ingacn in lwelah Nguhn in oasr yohrohsr pacl nuh kwewa, Mwet Lahngo El kuh in sang ahknwacsnwacsyeyuck enenweyuck in eis moul ma pahtpaht, mwe sang wo emet ke mwe sang luhn God uh (liye D&C 14:7).

Kowos esam kahs luhn Mwet Lahngo: “Na pa inge masap: Auliyak, kowos nuhkwenena fin facluh, ac tuhkuh

nuh Yuruk ac pacptaislac ke Inek, tuh kowos in kuh in ahknwacsnwacsyeyucklac ke eisyacn Nguhn Muhtahl, tuh kowos in kuh in tulac nwacsnwacs ye muhtuhk ke lwen sahflah.” (3 Nephi 27:20).

Masap ingacn tuhkuh ke olwelah se inge sin Leum:

Ac ingena, pwacyena, pwacyena, nga fahk nuh suwos, sang luhlalfongi lasr nuh sin Nguhn suc kol kuht in oruh ma wo,—ahok, in oruh ma pwacye, in fahs ke inse puhsisac, in nuhnuhkuh suwos; ac pa inge Nguhn luhk.

Pwacyena, pwacyena, El fahk nuh sesr, El ac use nuh sesr Nguhn Lal, ma ac kuh in ikacslah nuhnak lasr ac nwacklah nguhnasr ke engan liye (liye D&C 11:12–13).

Nga fahkwack luhlalfongi ke mwe loh luhk lah Pahpah God El moul, ac Jisus Kraist sifilpac moulyak sac El kol Alu Lal, tuh Prestuhn Thomas S. Monson el sruok ki nuh kwewa luhn pristut, ac fwackyuck sin Nguhn Muhtahl uh kol ac ahkkweye mempucr puhsisac ke Alu luhn Jisus Kraist luhn Mwet Luhlalfongi Lal ke Lwen-sahflah.

Nga tahfuh in fahkwack luhlalfongi nuh suwos lah mwet wolacna suc sramsram nuh sesr mihsenge uh ekihn mwet loh luhn Leum Jisus Kraist, oacna mempucr ke U luhn mwet Sap Singucul Luo an, pahngonyuck sin God Nga etuh lah Nguhn pa pwacnuhl Prestuhn Monson elan pahngonuhlos uh. Ac ke kowos porongwelos ac fahkwack luhlalfongi lalos uh, Nguhn Muhtahl El ahkkweye ma nga fahk inge nuh suwos. Elos pahngonyuck sin God. Nga tahpuhkuhlos ac luhngse elos ac etuh tuh Leum El luhngse elos ac fah kahsrwelos ke kunohkohn lalos uh. Ac nga fahk ke inen Leum Jisus Kraist, amen.

#### MWE KAHSRUH

1. *Liye Handbook 2: Administering the Church* (2010), 20.3.10.
2. Liye George Q. Cannon, ke “Minutes of a Conference,” *Millennial Star*, May 2, 1863, 275–76.